

# Y PARCHEDIG A'R PAGAN.

274.29  
P 22 SWFL  
1887?

PARCHEDIG—Wel, gyfaill, pa beth a feddyliwch am ein crefydd ni yn awr, canys mi welaf eich bod wedi darllen llawer ar y Beibl?

PAGAN—Wel, yn wir, syr, mae yn rhaid eynaddef, yn ol yr hyn a ddarllenais yn y Testament Newydd, yr hwn a ddywedasoch fod pob gair o hono yn wir, fod eglwys Dduw yn rhagori llawer ar ddoim a glywais sôn am dano o'r blaen. Mae llawer o honom ni, greaduriaid duon, yn diolch am gael gafael ar y fath oleuni, ac yn penderfynu gadael y duwiau pren a maen, ac arddel eich Duw chwi.

PARCH.—Pa rauau a fnoch chwi yn ddarllen?

PAGAN—Y ddeuddegfed bennod o Iaf Corinthiaid; mae y 28 adn. yn dweyd i Dduw osod yn yr eglwys, “yn gyntaf apostolion, yn ail prophwydi, yn drydydd athrawon; yna gwyrthiau, wedi hyny doniau i iachâu, cymorthwyau, llywodraethau, rhywiogaethau tafodau.” Mae pethau felly yn ardderchog.

PARCH.—Ond cofiwch, gyfaill bach, nid yw y pethiau yna yn yr eglwys yn awr.

PAGAN—A oes dim apostolion ynddi?

PARCH.—Nac oes, canys nid oes eu heisieu yn yr oes hon.

PAGAN—Mae ynddi brophwydi, feallai?

PARCH.—Nac oes; mae y rhai hyny hefyd wedi eu tynu o'r eglwys.

PAGAN—Mae llawer o wyrthiau ynddi, ond odid; canys y mae eich Duw chwi yn alluog iawn, ac yn gwneuthur pethau mawrion.

PARCH.—Gwyrthiau, yn wir! nac oes un. Gwell i chwi fyned i Brydain at y Mormoniaid, os ydych am ddwlmi felly.

PAGAN—Wel, fe allai fod doniau iachâu ynddi, ynte. Mae y rhai hyny yn sier o fod yn ddefnyddiol iawn.

PARCH.—Na, nid yw y rhai hyny yuddi ychwaith yn awr, ac nid oes eu heisieu mwyach.

PAGAN—Wel, beth am y rhywiogaethau tafodau, &c.; mae yn rhaid fod rhai o honynt hwy genych.

PARCH.—Gyfaill bach, y maent oll wedi darfod yn wir

PAGAN—Wel, syr, chwi sydd yn gwybod oren am hyny; ond fe wn i hyn, os yw yr holl bethau a osododd eich Duw chwi yn Ei eglwys wedi eu tynu allu o honi, neu wedi darfod, mae yn eglur ddiagon fod yr eglwys wedi darfod hefyd. Hwriwch, dyma eich Beibl yn ol i chwi; mae ef neu chwi yn gelwyddog iawn. Meddyliais losgi fy eilan-dduw neithiwr, ond y mae yn dda genyf yn awr na wneuthum felly, onido buaswn heb dduw na crefydd yn y byd.

# CREDO SAINT Y DYDDIAU DIWEDDAF.

CREDWN yn Nuw y Tad tragwyddol, a'i Fab Iesu Grist, ac yn yr Ysbryd Glân.

Credwn y caiff dynion eu cospi am eu pechodau eu hunain, ac nid am droseddiadau Adda.

Credwn mai trwy iawn Crist y gall holl ddynolryw gael eu hachub, trwy ufyddhau i gyfreithiau ac ordinhadau yr Efengyl.

Credwn mai yr ordinhadau hyn yw—Yn Iaf,—Ffydd yn yr Arglwydd Iesu Grist. Yn 2il,—Edifeirweh. Yn 3ydd,—Bedydd trwy drochiad er maddeuant pechodan. Yn 4ydd,—Gosodiad dwylaw er derbyn dawn yr Ysbryd Glân. Yn 5med,—Swper yr Arglwydd.

Credwn fod yn rhaid i ddynion gael eu galw gan Dduw trwy ysbrydoliaeth, a thrwy osodiad dwylaw y rhai hyny a awdurdodwyd yn gyfreithlawn i bregethu yr efengyl a gweinyddu ei hordinhadau.

Credwn yn yr un rheoleiddiad a fodolai yn yr eglwys gyntefig, sef apostolion, prophwydi, efengylwyr, bugeiliad, athrawon, &c.

Credwn yn ngalluoedd a doniau yr efengyl dragwyddol, sef y ddawn o ffydd, gwahaniaeth ysbrydoedd, prophwydoliaeth, dadguddiad, gweledigaethau, iachân, tafodau, a chyfieithad tafodan, doethineb, cariad, brawdgarweh, &c.

Credwn air Duw sydd yn ysgrifenedig yn y Beibl, credwn hefyd air Duw sydd yn ysgrifenedig yn Llyfr Mormon, ac yn mhob llyfr da arall.

Credwn yr oll y mae Duw wedi ddadguddio, yr oll y mae yn ddadguddio yn awr, a chredwn y dadguddia efe etto lawer ychwaneg o bethan mawr a phwysig perthynol i deyrnas Dduw ac ail-ddyfodiad y Messiah.

Credwn yn llythyrenol gasgliad Israel, ac adferiad y deg llwyth; fod Seion i gael ei sefydlu ar y cyfandir gorllewinol, fod Crist i deyrnasu yn bersonol ar y ddaear am fil o flnyddoedd, a bod y ddaear i gael ei hadnewydu a derbyn ei gogoniant paradwysaidd.

Credwn yn adgyfodiad llythyrenol y corff, ac y cyfyd y meirw yn Nghrist yn gyntaf, ac na fydd y lleill o'r meirw fyw drachefn hyd nes y caiffyddo y mil blynnyddoedd.

Honwn y fraint o addoli y Duw Hollalluog yn ol cyfarwyddiadau ein cydwobodau heb ein hafonyddu, a chaniatawn i bawb creill yr un fraint, addolent lle ac fel y mynont.

Credwn mewn bod yn ddarostyngedig i freninoedd, breninesau, llywyddion, llywodraethwyr, ac ustusiaid, ac mewn ufyddhau, parchu a dal i fyny y gyfraith.

Credwn mewn bod yn onest, geirwir, diwair, cymmedrol, haelionus, rhinweddol, ac uniawn, ac mewn gwneutbur daioni i bawb; yn wir, gallwn ddweyd ein bod yn dilyn cynghor Paul, yr ydym "yn credu pob dim," yr ydym "yn gobeithio pob dim," yr ydym wedi dyoddef llawer iawn o bethau, ac yn gobethio bod yn abl i "ddyoddef pob dim." Yngeisiwn ar ol pob peth rhinweddol, teilwng, dymunol, a chymmeradwy, gan edrych yn mlaen ar "daledigaeth y gwobrwy."

[Allan o UDGORN SEION.]